

F. N. F.

ARA

Grati Animi

IMMORTALI DEO

post & propter

Clementissime ablatam á Civitate Thoruniensi
ejusque territoriis præterito anno pestem

humillimo devotionis cultu

erecta

a

M. MARTINO Böhmi / G. T. PP.
Passenheimense.

Anno 1709. m. Martio.

THORUNII,

Impressit JOANNES LUD. NICOLAI, NOB. SENATUS ET GYMNASII
TYPOGRAPHUS.

J. M. J.

A. R. A.

Grav. Anon.

IMMORTALI

Ad Lectorem.

Si tibi nunc oculi centum, linguæque tot essent,
Si fluerent oculi more perennis aquæ.
Non oculi centum possent deflere ruinam,
Sufficerent centum non satis ora malis.

M. MARTINO G. T. P.

Passerburg.

Anno 1709 m. Martio.

THORNI.

Impressit JOHANNES HANS NICOLAUS, HOB. SENATOR ET C. THORNI.
LITHOGRAPHIA

Fac, quæso, IESU, delictum meum,
Ut sancta casto nomina pectore
Gestem, relictis orbis atri
Fraudibus atque dolis iniquis.

Fac, ut decentes pectore candido
Grates rependam, sancte DEUS, Tibi,
Qui damna pestis mitigasti,
Meque salute bona beasti.

Cantabo versu præsidium tuum,
Amande IESU, rebus in arduis,
Cantabo læto corde, versu,
Te mihi suppetias tulisse.

Non perpetrabunt otia pessima,
Ne tam decoro munere fungerer,
Nunquam citatos forte cursus
Turpia lucra meos repellent.

Exaudiamus maxima pauperum
Lamenta, dextram tristibus Orphanis
Demus, quod alta nos misellos
Ætheris arce juvas, Redemptor.

O chare IESU præsidium meum!
Da pectus, oro, conspicuum fide,
Damnem tumultus grandiores:
Pax comitata bonis triumphet.

Clemens honestas expoliat meam
Mentem, sit ingens simplicitas comes,
Me Zona cingat castitatis,
Me pietatis honos coronet

Sacram peragrem iustitiæ viam,
Vitet tumorem mens mea perfidum:
Nam fastus ingens universis
Est odium dedecusque iustis.

Constante semper pectore perferam
Mundi scelesti scommata turpia,
Nec carnis agræ probra curem,
Nec satanæ movear furore.

Hæc

Hæc ergo dona tu precibus meis;
Amande IESU, dulcis amor meus,
Hæc ergo vitæ trade nostræ,
Qui latitantia corda spectas.

Si quæ patravi turpia crimina,
Si iussa Patris fors juvenilibus
Annis terebam, sub profunda
Mergito flumina, mi Redemptor.

O chare IESU perfugium bonum
Peccantis! Eheu respice lumine
Blando misellum, fume lapsum,
Adjice me numero tuorum.

Sic corde læto, Cælipotens Pater,
Tibi profundam carmina dulcia,
Cujus tremiscunt cuncta motu,
Qui regis æquora, prata, cælum!

Sic corde læto, perpetuas Tibi
Cantabo laudes, unica spes mea,
IESU Redemptor, quod cruenta
Morte luem rigidam levasti.

Sic corde læto perpetuas Tibi
Cantabogrates, omnipotens Amor,
Benigne Flatus, quod decora
Prosperitate dies peregi.

Scandant honorum culmina cæteri,
Laudis lucentur conspicuum decus,
Da, quæso, possim dignitatis
Conditor esse tuæ, IEHOVA.

Hæc ergo fiant, ô sacra TRINITAS!
Qui donec artus Spiritus hos reget,
Donec videbo solis astrum,
Gratus ero Tibi corde, mente.

Non major autem nec potior mihi
Erit voluntas, quam tua nomina
Cantare versu, sæpe psallam:
Laus & honor TRIADI sacratæ!

